

ქ. თბილისი

21 თებერვალი 2018 წ.

ერთის მხრივ, საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო (შემდგომში „შემსყიდველი“), წარმოდგენილი მინისტრის სოზარ სუბარის სახით და მეორეს მხრივ, შპს „ალფა ფორვარდი“ (შემდგომში „მიმწოდებელი“), წარმოდგენილი მისი დირექტორის ვალერიან ლომიძის სახით, შემდგომში ერთობლივად წოდებული მხარეებად, „სახელმწიფო შესყიდვების შესახებ“ საქართველოს კანონისა და „ელექტრონულ ტენდერში“ (SPA180001080) გამარჯვებული პრეტენდენტის სატენდერო წინადადების საფუძველზე, ვდებთ წინამდებარე ხელშეკრულებას შემდეგზე:

მუხლი 1. ხელშეკრულებაში გამოყენებულ ტერმინთა განმარტება

წინამდებარე ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – „შემსყიდველისა“ და „მიმწოდებლის“ მიერ ხელმოწერილი წინამდებარე ხელშეკრულება, მასზე თანდართული ყველა დოკუმენტით.
- 1.2. „ხელშეკრულების ღირებულება“ – თანხა, რომელიც უნდა გადაიხადოს „შემსყიდველმა“ „მიმწოდებლის“ მიერ „ხელშეკრულებით“ ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს „ხელშეკრულებით“ გათვალისწინებული „საქონლის“ მიწოდებას.
- 1.6. „საქონელი“ – „ხელშეკრულების“ მე-2 მუხლით გათვალისწინებული ხელშეკრულების საგანი.
- 1.7. „ინსპექტირება“ – „ხელშეკრულების“ პირობების შესრულების კონტროლი.

მუხლი 2. ხელშეკრულების საგანი.

კარტრიჯების (CPV 301 25100 - ტონერიანი კარტრიჯები; ბიუჯეტის კოდი: 340101) შესყიდვა, „ხელშეკრულების“ პირობებისა და დანართის-ის შესაბამისად, რაც თავის მხრივ წარმოადგენს „ხელშეკრულების“ განუყოფელ ნაწილს.

მუხლი 3. ხელშეკრულების ღირებულება

- 3.1. „ხელშეკრულების ღირებულება“ შეადგენს 14,445.56 ლარს დღგ-ს ჩათვლით. (მიმწოდებელი 2018 წლის 21 თებერვლის მდგომარეობით რეგისტრირებულია დღგ-ს გადამხდელად.)
- 3.2. „ხელშეკრულების ღირებულება“ მოიცავს როგორც მისაწოდებელი „საქონლის“ ღირებულებას, ასევე „ხელშეკრულების“ შესრულებასთან დაკავშირებით „მიმწოდებლის“ მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.

მუხლი 4. საქონლის მიწოდების ადგილი და ვადა

- 4.1. „საქონლის“ მიწოდების ადგილია: ქ. თბილისი, თამარაშვილის 15ა, სამინისტროს ცენტრალური აპარატის შენობა.
- 4.2. „საქონლის“ მიწოდების ვადაა: ეტაპობრივად, ხელშეკრულების გაფორმებიდან - 2018 წლის 31 დეკემბრის ჩათვლით, შემსყიდველის მოთხოვნის შესაბამისად, მოთხოვნიდან არაუგვიანეს 7 სამუშაო დღეში.

მუხლი 5. მხარეთა უფლება-მოვალეობები

- 5.1. „შემსყიდველი“ უფლებამოსილია ნებისმიერ დროს განახორციელოს „მიმწოდებლის“ მიერ ნაკისრი ვალდებულებების შესრულებისა და ხარისხის ინსპექტირება.
- 5.2. „შემსყიდველი“ ვალდებულია:
 - ა) უზრუნველყოს მიწოდებული „საქონლის“ ღირებულების ანაზღაურება „ხელშეკრულებით“ გათვალისწინებულ ვადებში;
 - ბ) „მიმწოდებლისაგან“ „საქონლის“ მიღებისას შეამოწმოს მისი დასახელების, რაოდენობისა და ხარისხის შესაბამისობა „ხელშეკრულებისა“ და დანართის პირობებთან.
- 5.3. „მიმწოდებელი“ უფლებამოსილია მოთხოვოს „შემსყიდველს“ „საქონლის“ ღირებულების ანაზღაურება „ხელშეკრულებით“ გათვალისწინებულ ვადებში.
- 5.4. „მიმწოდებელი“ ვალდებულია:
 - ა) მიაწოდოს „შემსყიდველს“ ნივთობრივად და უფლებრივად უნაკლო „საქონელი“, „ხელშეკრულებით“ გათვალისწინებული პირობების შესაბამისად;



- ბ) „საქონლის“ მიწოდებასთან ერთად, „შემსყიდველს“ გადასცეს ყველა შესაბამისი დოკუმენტი;
- გ) შესაბამისი შეტყობინების შემთხვევაში, დროულად აღმოფხვრას მიწოდებული „საქონლის“ შემოწმების შედეგად გამოვლენილი წუნი, „შემსყიდველის“ მხრიდან რაიმე დამატებითი დანახარჯების გაწევის გარეშე, წუნდებული საქონლის ან/და მისი ნაწილის გამოცვლის ან/და შეკეთების გზით;
- დ) „საქონლის“ მიწოდებისას აცნობოს „შემსყიდველს“ ყველა განსაკუთრებული გარემოების შესახებ.

მუხლი 6. გარანტია

- 6.1. ყველა კარტრიჯზე უნდა ვრცელდებოდეს გარანტია მის სრულ დაცლამდე, ხოლო გამოუყენებელ კარტრიჯებზე მოწოდებიდან 1 წელი; (გარდა ჭავჭავაძისა)
- 6.1.1. კარტრიჯის გახსნიდან და მის სრულ დაცლამდე ამოზექდვისას არ უნდა გამოვლინდეს ხარვეზები: წერტილები, თეთრი და შავი ზოლები და ა.შ. აღნიშნული და სხვა დეფექტების აღმოჩენის შემთხვევაში, მიმწოდებელი ვალდებულია საკუთარი ხარჯებით ჩაანაცვლოს წუნდებული კარტრიჯი ახლით;
- 6.2. კარტრიჯიდან არ უნდა იზნოდეს საღებავი (ტონერი) საზექდ მოწყობილობაში. მსგავსი ფაქტის შემთხვევაში „შემსყიდველი“ უფლებამოსილია, მოითხოვოს „მიმწოდებლისგან“ დაზიანებული ტექნიკის შეკეთება საკუთარი ხარჯით.
- 6.3. მიმწოდებელი საქონელზე უზრუნველყოფს მწარმოებლის მიერ დადგენილ საგარანტიო პირობებს, რომელიც მოიცავს გარანტიას, რომ საქონელი არ არის დამზადებული საწარმოო დეფექტით და შევსებულია დანართში მოცემული პრინტერებისათვის სტანდარტით დადგენილი მოცულობის ფხვნილით.
- 6.4. თუ „საქონლის“ საგარანტიო ვადის ამოწურვამდე აღმოჩნდება ან გამოვლინდება ნაკლი ან/და დეფექტი, „მიმწოდებელი“ ვალდებულია, „შემსყიდველის“ მიერ წერილობითი შეტყობინების საფუძველზე განსაზღვრულ ვადაში გამოასწოროს აღნიშნული ნაკლი ან უზრუნველყოს ამ „საქონლის“ შეცვლა ახლით.

მუხლი 7. ინსპექტირება

- 7.1. „შემსყიდველი“ ვალდებულია ჩაატაროს ინსპექტირება ნებისმიერ ეტაპზე, რისთვისაც გამოყოფს უფლებამოსილ პირს, ხოლო „მიმწოდებელი“ ვალდებულია ხელი შეუწყოს მას ინსპექტირების განხორციელების დროს.
- 7.2. ინსპექტირებას განახორციელებს მატერიალურ ტექნიკური უზრუნველყოფის სამმართველოს III რანგის II კატეგორიის უფროსი სპეციალისტი გივი ცოტიაშვილი.
- 7.3. „შემსყიდველის“ შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია განახორციელოს ხარისხის კონტროლი და თუ აღმოჩნდება წუნდებული „საქონელი“, „მიმწოდებელი“ ვალდებულია „შემსყიდველის“ წერილობითი შეტყობინების საფუძველზე განსაზღვრულ ვადაში, გამოასწოროს აღნიშნული ნაკლი ან უზრუნველყოს ამ „საქონლის“ შეცვლა ახლით.

მუხლი 8. საქონლის მიღება-ჩაბარება

- 8.1. „საქონელი“ მიღებულად ჩაითვლება მას შემდეგ, რაც მხარეთა უფლებამოსილი წარმომადგენლები ხელს მოაწერენ შესაბამის მიღება-ჩაბარების აქტს.
- 8.2. „შემსყიდველის“ მხრიდან ამ მუხლის 8.1. პუნქტში აღნიშნულ მიღება-ჩაბარების აქტს ხელს მოაწერს „ხელშეკრულების“ მე-7 მუხლის 7.2. პუნქტით განსაზღვრული უფლებამოსილი პირი.

მუხლი 9. ანგარიშსწორება

- 9.1. ანგარიშსწორება ხორციელდება უნაღდო ანგარიშსწორებით ლარში, „საქართველოს 2018 წლის სახელმწიფო ბიუჯეტის შესახებ“ საქართველოს კანონით „შემსყიდველისათვის“ გამოყოფილი ასიგნებების ფარგლებში;
- 9.2. ანგარიშსწორება ხორციელდება ეტაპობრივად, „საქონლის“ მიღება-ჩაბარების აქტ(ებ)ის ხელმოწერისა და კანონმდებლობით გათვალისწინებული დოკუმენტაციის „შემსყიდველისათვის“ წარმოდგენიდან 10 (ათი) სამუშაო დღის ვადაში.

მუხლი 10. ფორს-მაჟორი

- 10.1. მხარეებს არ დაეკისრებათ პასუხისმგებლობა „ხელშეკრულებით“ გათვალისწინებული ვალდებულებების შეუსრულებლობის, არაჯეროვანი შესრულების ან ვადის გადაცილებისათვის თუკი, შეუსრულებლობა გამოწვეულია ფორს-მაჟორული გარემოებით.
- 10.2. ფორს-მაჟორი ნიშნავს ისეთ გარემოებებს, რომელთა არსებობის გამო მხარისათვის ობიექტურად შეუძლებელი იყო „ხელშეკრულებით“ ნაკისრი ვალდებულებების შესრულება (სტიქიური მოვლენები, საომარი მოქმედება, ეპიდემია, კარანტინი, საბიუჯეტო ასიგნებების მკვეთრი შემცირება, მომსახურების მიწოდებაზე ემბარგოს დაწესება, სახელმწიფო გადატრიალება და სხვ.).

10.3 ფორს-მაჟორული გარემოებების დადგომის შემთხვევაში „ხელშეკრულების“ მხარემ, რომლისთვისაც შეუძლებელი ხდება ნაკისრი ვალდებულებების შესრულება, პირველი შესაძლებლობისთანავე, შეტყობინების ყველა შესაძლო საშუალებით, უნდა გაუგზავნოს ინფორმაცია მეორე მხარეს, ასეთი გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით, აგრძელებს „ხელშეკრულებით“ ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებებისაგან.

მუხლი 11. მხარეთა პასუხისმგებლობა

11.1. „ხელშეკრულებით“ მხარეთა მიერ ნაკისრი ვალდებულებების შეუსრულებლობის შემთხვევაში, მათ დაეკისრებათ პასუხისმგებლობა კანონმდებლობით გათვალისწინებული წესით.

11.2. „ხელშეკრულების“ მე-4 მუხლის 4.2 პუნქტით განსაზღვრული „საქონლის“ მიწოდების ვადის გადაცილების შემთხვევაში, „მიმწოდებელს“ ეკისრება პირგასამტეხლო ყოველ ვადაგადაცილებულ დღეზე მიუწოდებელი „საქონლის“ ღირებულების 0,5%-ის ოდენობით.

11.3. „ხელშეკრულების“ მე-6 მუხლის 6.4 პუნქტით გათვალისწინებული პირობების დარღვევის შემთხვევაში, „მიმწოდებელს“ ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,5%-ის ოდენობით.

11.4. „ხელშეკრულების“ მე-7 მუხლის 7.3 პუნქტით გათვალისწინებული პირობების დარღვევის შემთხვევაში, „მიმწოდებელს“ ეკისრება პირგასამტეხლო ყოველ ვადაგადაცილებულ დღეზე ხელშეკრულების ღირებულების 0,5%-ის ოდენობით.

11.5. პირგასამტეხლოს გადახდა არ ათავისუფლებს „მიმწოდებელს“ „ხელშეკრულებით“ ნაკისრი ვალდებულებების შესრულებისაგან.

11.6. „მიმწოდებელს“, ხელშეკრულებით ნაკისრი ვალდებულებების შეუსრულებლობის შემთხვევაში, დაეკისრება ჯარიმა „ხელშეკრულების ღირებულების“ 5%-ის ოდენობით.

მუხლი 12. ხელშეკრულებაში ცვლილებების შეტანა

12.1. ნებისმიერი ცვლილება „ხელშეკრულებაში“ შესაძლებელია განხორციელდეს მხოლოდ წერილობითი ფორმით, ორივე მხარის უფლებამოსილი წარმომადგენლის ხელმოწერით.

12.2. თუ რაიმე წინასწარ გაუთვალისწინებელი მიზეზების გამო წარმოიშობა „ხელშეკრულების“ პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

12.3. „ხელშეკრულების“ პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება „ხელშეკრულების“ პირობები „შემსყიდველისთვის“, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. „ხელშეკრულების“ პირობების გადასინჯვა ხდება საქართველოს კანონმდებლობით დადგენილი წესით.

12.4. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, „ხელშეკრულების ღირებულების“ გაზრდა დაუშვებელია „ხელშეკრულების ღირებულების“ 10%-ზე მეტი ოდენობით.

მუხლი 13. დავების გადაწყვეტა

13.1. „ხელშეკრულების“ შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.

13.2. თუ ასეთი მოლაპარაკების დაწყებიდან 10 (ათი) სამუშაო დღის განმავლობაში მხარეები ვერ უზრუნველყოფენ სადაო საკითხის შეთანხმებით მოგვარებას, ნებისმიერ მხარეს უფლება აქვს მიმართოს საქართველოს სასამართლოს დავის გადაწყვეტის მიზნით.

მუხლი 14. ხელშეკრულების შეწყვეტა

14.1. „შემსყიდველი“ უფლებამოსილია ცალმხრივად შეწყვიტოს „ხელშეკრულების“ მოქმედება, იმ შემთხვევაში, თუ „მიმწოდებელი“ ვერ უზრუნველყოფს ვალდებულებების შესრულებას, ასევე მოქმედი კანონმდებლობით დადგენილ სხვა შემთხვევებში.

14.2. „ხელშეკრულების“ ცალკეული პირობების მოქმედების შეწყვეტა არ ათავისუფლებს „მიმწოდებელს“ „ხელშეკრულებით“ განსაზღვრული სხვა ვალდებულებების შესრულებისაგან.

14.3. „ხელშეკრულება“ აგრეთვე შეიძლება შეწყდეს მხარეთა წერილობითი შეთანხმების საფუძველზე.



მუხლი 15. ხელშეკრულების მოქმედების ვადა

15.1 „ხელშეკრულება“ ძალაშია მხარეთა მიერ მისი ხელმოწერიდან და მოქმედებს 2019 წლის 31 იანვრამდე, გარდა მე-6 მუხლის 6.2. და მე-11 მუხლის 11.3. პუნქტებისა.

15.2. „ხელშეკრულების“ მე-6 მუხლის 6.2. და მე-11 მუხლის 11.3. პუნქტები ძალაშია „საქონლის“ საგარანტიო პერიოდის განმავლობაში.

მუხლი 16. სხვა პირობები

16.1. „ხელშეკრულებით“ გაუთვალისწინებელი პირობები რეგულირდება საქართველოს კანონმდებლობით.

16.2. „ხელშეკრულება“ შედგენილია ქართულ ენაზე, 3 (სამი) თანაბარი იურიდიული ძალის მქონე ეგზემპლარად, რომელთაგან 2 (ორი) ინახება „შემსყიდველთან“, ხოლო 1 (ერთი) – „მიმწოდებელთან“.

16.3. „ხელშეკრულებასთან“ დაკავშირებული ნებისმიერი მიმოწერა უნდა განხორციელდეს ქართულ ენაზე.

მუხლი 17. მხარეთა იურიდიული რეკვიზიტები

„შემსყიდველი“	„მიმწოდებელი“
საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო ს. კოდი 200037646 მის: ქ. თბილისი თამარაშვილის 15ა ტელ: 2 31 15 80 სახელმწიფო ხაზინა ბ. კოდი TRESGE22 ა/ა GE24NB0330100200165022 მინისტრი სოზარ სუბარი 	შპს „ალფა ფორვარდი“ ს. კოდი 202405691 მის: ქ. თბილისი წერეთლის გამზირი 61/2 ტელ : 2347473 საქართველოს ბანკი ბ.კოდი BAGAGE22 ა/ა GE12BG 0000 0002 1240 1300 დირექტორი ვალერიან ლომიძე 



N	თავსებადობა პრინტერთან/ქსეროქსთან	მწარმოებელი ქვეყანა, კომპანია და მოდელი	რაოდ.	ერთ. ფასი	საერთო ფასი
1	HP LASER JET-1010	ჩინეთი/Zhuhai ZhongKai Imaging Products Co.,Ltd/ Q2612A	180 ცალი	10,62	1911.6
2	CANON I-SENSYSmf4730	ჩინეთი/Zhuhai ZhongKai Imaging Products Co.,Ltd/ CRG728	170 ცალი	10,62	1805.4
3	HP COLOR LASERJET CP 5225	ჩინეთი/Zhuhai ZhongKai Imaging Products Co.,Ltd/ CE740A/CE741A/CE742A/CE743A	ჯომპლექტი	448,4	896.8
4	HP COLOR LASERJET CP 5525	ჩინეთი/Zhuhai ZhongKai Imaging Products Co.,Ltd/ CE270A/CE271A/CE272A/CE273A	ჯომპლექტი	696,2	696.2
5	HP Laser jet m5035 MFP	ჩინეთი/Zhuhai ZhongKai Imaging Products Co.,Ltd/ Q7570A	1 ცალი	59	59.00
6	CANON IP-4700	ჩინეთი/Zhuhai ZhongKai Imaging Products Co.,Ltd/ PGI-520BK/CLI-521BK/ CLI-521C/ CLI-521M/CLI-521Y	ჯომპლექტი	14,16	28.32
7	HP LASER JET 1300	ჩინეთი/Zhuhai ZhongKai Imaging Products Co.,Ltd/ Q2613A	1 ცალი	20,06	20.06
8	HP OFFICE Jet PRO 8610	ჩინეთი/Zhuhai ZhongKai Imaging Products Co.,Ltd/ 950XL BK/951XL C/ 951XL Y/ 951XL M	ჯომპლექტი	35,4	177.00
9	EPSON L 800	ჩინეთი/Zhuhai ZhongKai Imaging Products Co.,Ltd/BLACK INK 100 ML CYAN INK 100 ML MAGENTA INK 100 ML YELLOW INK 100 ML LIGHT CYAN INK 100 ML LIGHT MAGENTA INK 100 ML	ჯომპლექტი	14,16	42.48
10	Canon image runner1133A	ჩინეთი/Zhuhai ZhongKai Imaging Products Co.,Ltd/ C-EXV40	4 ცალი	25,96	103.84
11	CANON LASER BASE MF - 5750	ჩინეთი/Zhuhai ZhongKai Imaging Products Co.,Ltd/ EP-27	7 ცალი	21,24	148.68
12	HP LASER JET PRO M1132	ჩინეთი/Zhuhai ZhongKai Imaging Products Co.,Ltd/ CE285A	370 ცალი	10,62	3929.4
13	HP OFFICE Jet 7610	ჩინეთი/Zhuhai ZhongKai Imaging Products Co.,Ltd/ 932XL BK/933XL C/933XL Y/933XL M	ჯომპლექტი	42,48	1062.00
14	CANON IR 3225	ჩინეთი/Zhuhai ZhongKai Imaging Products Co.,Ltd/ C-EXV11	1 ცალი	37,76	37.76
15	HP LASER JET P1505	ჩინეთი/Zhuhai ZhongKai Imaging Products Co.,Ltd/ CB436A	40 ცალი	10,62	424.8
16	HP LASER JET P1005	ჩინეთი/Zhuhai ZhongKai Imaging Products Co.,Ltd/ CB435A	30 ცალი	10,62	318.6
17	CANON IR 2016	ჩინეთი/Zhuhai ZhongKai Imaging Products Co.,Ltd/ C-EXV14	1 ცალი	17,7	17.7
18	CANON IR 1730 i	ჩინეთი/Zhuhai ZhongKai Imaging Products Co.,Ltd/ C-EXV37	1 ცალი	23,6	23.6
19	CANON IR 1018j	ჩინეთი/Zhuhai ZhongKai Imaging Products Co.,Ltd/ C-EXV18	1 ცალი	20,06	20.06

20	HP CoLor Laser jet CP1215	ჩინეთი/Zhuhai ZhongKai Imaging Products Co.,Ltd/ CB540A/CB541A/CB542A/CB543A	კომპლექტი	106,2	212.4
21	CANON MP-270	ჩინეთი/Zhuhai ZhongKai Imaging Products Co.,Ltd/ PG-511/ CL-512	კომპლექტი	129,8	129.8
22	HP LASER JET P2055DN	ჩინეთი/Zhuhai ZhongKai Imaging Products Co.,Ltd/CE505A	1 ცალი	20,06	20.06
23	HP.Color Laser Jet CP3525 DN	ჩინეთი/Zhuhai ZhongKai Imaging Products Co.,Ltd/ CE250A/CE251A/CE252A/CE253A	კომპლექტი	224,2	224.2
24	LASER JET Pro MFP M127fn	ჩინეთი/Zhuhai ZhongKai Imaging Products Co.,Ltd/ CF283A	170 ცალი	10,62	1805.4
25	HP CoLor Laser Jet 2605	ჩინეთი/Zhuhai ZhongKai Imaging Products Co.,Ltd/ Q6000A/Q6001A/Q6002A/Q60003A	კომპლექტი	165,2	330.4
საერთო ღირებულება დღგ-ს ჩათვლით 14,445.56 ლარს					

„შემსყიდველი“	„მიმწოდებელი“
საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტრო მინისტრი სოზარ სუბარა 	შპს „ალფა ფორვარდი“ დირექტორი ვალერიან ლომიძე 





ხელწერილი ინტერესთა კონფლიქტის არ არსებობის შესახებ

თარიღი: 21 თებერვალი 2018 წ.

მიმწოდებელი: შპს „ალფა ფორვარდი“

ხელშეკრულების ნომერი: 2018/97

ინტერესთა კონფლიქტის თავიდან აცილების მიზნით, საქართველოს კანონის „სახელმწიფო შესყიდვების შესახებ“ მე-8 მუხლის „ინტერესთა კონფლიქტის თავიდან აცილების პირობების“ შესაბამისად ვადასტურებთ, რომ საქართველოს ოკუპირებული ტერიტორიებიდან იძულებით გადაადგილებულ პირთა, განსახლებისა და ლტოლვილთა სამინისტროს თანამშრომლები ზემოაღნიშნულ მიმწოდებელთან ინტერესთა კონფლიქტში არ ვიმყოფებით, რასაც ვადასტურებთ ხელმოწერით:

ინსპექტირების განმახორციელებელი პირები

გივი ცოტიაშვილი